

Dumonda Heiz concernent la midada al radio digital DAB+ en il Grischun

«Il radio fa midada», di la reclama da l'uffizi federal da communicaziun. Tranter ils onns 2020 e 2024 duai il radio d'ondas ultracurtas (UUC) vegnir serrà giu en l'entira Svizra e mo pli la nova tecnologia digitala DAB+ duai vegnir purschida; l'urari exact e las modalitads vegnan previsiblamain enconuschents l'onn proxim. Ils avantatgs èn ina meglra qualitat da tun, ina transmissiun pli favuraivla, in consum d'energia pli bass, ina meglra elecziun d'emetturs ed ulteriuras funcziuns cun text e maletgs.

La midada è segiramain da beneventar, ma tuttina han bleras auditoras e blers auditurs ina tenuta critica envers la midada. Cunzunt en las regiuns perifericas teman ins ch'i duria ditg, fin che DAB+ funcziunia dapertut e cun ina qualitat irreproscha-bla. Igl ha gea er duvrà onns, fin che UUC è stà uschè lunsch en il chantun Grischun, sco quai che mintgin, ch'è savens en gir sin las vias, ha adina puspè stuì constatar: Interrupziuns d'emissiuns en tunnels ed en chavorgias u interferenzas en la vischinanza dal cunfin svizzer eran, ed èn per part anc oz, in problem. La midada a DAB porta oz anc pauc, perquai che quai na funcziuna – gist en zonas delicatas – betg meglier che UUC.

Las sutsegnadras ed ils sutsegnaders tschentan en quest connex las suandantas dumondas a la regenza:

1. Co sa preschenta il stadi actual?
2. Tge urari è previs per la midada en il Grischun?
3. Tge fa la regenza – ensemen cun ils ulteriurs acturs competents – per garantir che la midada dad UUC a DAB+ vegnia realisada cun success en tut il chantun ed entaifer l'urari previs?

Cuira, ils 5 da december 2017

Heiz, Della Vedova, Jeker, Albertin, Bucher-Brini, Buchli-Mannhart, Burkhardt, Casanova (Glion), Casanova-Maron (Domat), Casty, Casutt-Derungs, Cavegn, Claus, Clavadetscher, Darms-Landolt, Deplazes, Dermont, Dosch, Engler (Tavau Vitg), Epp, Fasani, Felix (Scuol), Florin-Caluori, Foffa, Giacomelli, Gunzinger, Hitz-Rusch, Holzinger-Loretz, Kasper, Kollegger, Kunz (Fläsch), Kuoni, Märchy-Caduff, Michael (Castasegna), Niederer, Niggli (Samedan), Paterlini, Peyer, Pfäffli, Pfenninger, Pult, Steck-Rauch, Steiger, Stiffler (Tavau Plaz), Stiffler (Cuira), Tenchio, Thomann-Frank, Thöny, Tomaschett (Breil), Troncana-Sauer, Vetsch (Pragg-Jenaz), Waidacher, Weidmann, Wieland, Berther (Segnas), Engler (Surava), Pfister, Wellig